

Ugovorne strane;

Ministarstvo unutrašnjih poslova Kantona Sarajevo, ulica La Benevolencije broj 16, koje zastupa ministar, Admir Katica, (u daljem tekstu: Ugovorni organ) i

VATROTEH inženjering d.o.o. Sarajevo, ulica Igmanska bb, ID broj 4201733350008 koje zastupa direktor, Nevzet Avdagić, (daljem tekstu: Dobavljač)

zaključili su:

UGOVOR

o nabavci usluga periodičnog pregleda i održavanja sistema vatrodajave i sistema za automatsko gašenje, periodičnih i kontrolnih pregleda aparata za početno gašenje požara i hidrantske instalacije, isporuka opreme za gašenje požara za potrebe Ministarstva unutrašnjih poslova Kantona Sarajevo (sukcesivna nabavka) (LOT 1)

Član 1.

Predmet ugovora je nabavka usluga periodičnog pregleda i održavanja sistema vatrodajave i sistema za automatsko gašenje, periodičnih i kontrolnih pregleda aparata za početno gašenje požara i hidrantske instalacije, isporuka opreme za gašenje požara za potrebe Ministarstva unutrašnjih poslova Kantona Sarajevo (sukcesivna nabavka), i to LOT 1 - nabavka usluga periodičnog pregleda i održavanja sistema vatrodajave i sistema za automatsko gašenje.

Nabavka je izvršena na osnovu Odluke broj 01-11-4-3044-1 od 24.05.2022. godine i

Obavještenja o nabavci broj 1364-1-2-58-3-38/22 od 21.06.2022. godine.

Ugovor se zaključuje u skladu sa uslovima iz tenderske dokumentacije, ponudom Dobavljača, odredbama Okvirnog sporazuma broj 01-11-4-3044-4 od 04.11.2022. godine,

Sastavni dio ugovora čini ponuda Dobavljača nakon korekcije računske greške.

Član 2.

Ukupna vrijednost ovog Ugovora, bez PDV-a iznosi 6.145,00 KM (šestiljadastotinučetdesetpet i / 00/100 KM).

Dobavljač se obavezuje da se ponuđene cijene, koje su date u ponudi u prilogu ugovora, neće mijenjati do isteka ovoga Ugovora.

Član 3.

Rok izvršenja usluga je tri dana po pozivu Ugovornog organa.

Dobavljač se obavezuje da ugovorenu uslugu izvrši u svemu prema propisima, standardima i normama kvaliteta koji važe za vrstu usluga koje su predmet nabavke.

Član 4.

Ugovorni organ će ugovorenu cijenu plaćati u roku od 30 dana od izvršenja usluge i dostavljanja fakture.

Član 5.

Garantni rok na izvršenu uslugu je 180 dana od dana izvršenja usluge.

Član 6.

Ukoliko poslije uključivanja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti, bolest i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Sva, eventualno sporna pitanja rješavat će se dogovorom, štiteći obostrane interese. U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 8.

Dobavljač nema pravo zapošljavati, u svrhu izvršenja ugovora o javno nabavci, fizička ili pravna lica koja su učestvovala upripremi tenderske dokumentacije ili su bila u svojstvu člana ili stručnog lica koje je angažirala Komisija za nabavku, najmanje šest mjeseci po zaključenju ugovora, odnosno od početka realizacije ugovora.

Član 9.

Ovaj ugovor stupa na snagu danom potpisivanja ovlaštenih predstavnika i traje do realizacije ugovorenog iznosa.


Član 10.

Ovaj ugovor izrađen je u četiri istovjetna primjerka, od kojih po dva zadržava svaka strana.

DOBAVLJAČ
VATROTEH inženjering
d.o.o. Sarajevo



Datum: 08.02.2024. godine
Broj: 04-02/24



Datum: 08.02.2024
Broj: 01-11-4-3044-8